



CONVENIO DE COLABORACIÓN ENTRE A CONSELLERÍA DE CULTURA, EDUCACIÓN E UNIVERSIDADE DA XUNTA DE GALICIA E A UNIVERSIDADE DA CORUÑA PARA A REALIZACIÓN DO CONGRESO INTERNACIONAL EMILIA PARDO BAZÁN NO SEU CENTENARIO. LITERATURA E VIDA NOS SÉCULOS XIX, XX e XXI.

Don Román Rodríguez González, en virtude do seu cargo de conselleiro de Cultura, Educación e Universidade para o que foi nomeado polo Decreto 112/2020, do 6 de setembro de 2020, no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa Presidencia e o artigo 2 da Resolución do 8 de abril de 1991, pola que se publica o acordo do Consello da Xunta de Galicia do 27 de marzo de 1991

Don Julio Abalde Alonso, con NIF 36013481N, en virtude do seu cargo de reitor da Universidade da Coruña (CIF Q6550005J), actuando en nome e representación da entidade

As dúas partes interveñen en función dos seus respectivos cargos e no exercicio das súas facultades que para convir no nome das Entidades que representan teñen conferidas e,

EXPOÑEN

A Consellería de Cultura, Educación e Universidade é o órgano da Administración da Comunidade Autónoma ao que lle corresponden as competencias en materia de creación e difusión cultural. Dentro dese ámbito de actuacións vén desenvolvendo unha serie de actuacións encamiñadas á divulgación e promoción da cultura para achegar o máis posible o noso patrimonio cultural á sociedade en xeral.

A Consellería de Cultura, Educación e Universidade e a Universidade da Coruña consideran de interese público realizar accións conxuntas con motivo da conmemoración do centenario do pasamento de Emilia Pardo Bazán.

A cen anos da morte de Emilia Pardo Bazán, a vitalidade da súa obra e a forza da súa biografía impoñense con contundencia. O seu riquísimo e inxente legado literario –produto dun labor profesional que a inscribe na modernidade–, a súa paralela asertividade xornalística e un tecido de xéneros cultivados que implica asedios e experimentacións en primeira liña da vangarda palpitante, colocan á escritora coruñesa e a súa heteroxénea poligrafía nas canles dunha permanente revisión contemporánea, o mellor signo da súa vixencia xa clásica.

O replanteamento renovador da súa produción, urxente tarefa que só resisten os creadores máis capaces, obriga a revisar lecturas anteriores tantas veces sometidas ao ditame grandilocuente ou parcial. Aínda hoxe, menudean as plasmacións dos seus textos e os seus correspondentes exégesis en clave unidireccional.





A organicidad da obra literaria e crítica de Emilia Pardo Bazán insta, con todo, a unha visión holística tendo en conta dos achados documentais e bibliográficos que o seu patrimonio intelectual e material segue deparando. Ler atentamente os seus libros, preguntarse de onde pode vir a eclosión da súa figura intelectual, que a explica e contén, e que emana da mesma, con todos os matices da súa extraterritorialidade ou do afán da súa condición de galega universal, son obxectivos deste Congreso Internacional.

Fixar a súa obra crítica e xeneticamente, conforme a parámetros científicos e segundo criterios que o noso tempo fai posibles non pode ser xa un fin postergado. En nome da divulgación, pero tamén da inmoderada inercia pseudofilolóxica, circulan edicións das súas novelas e contos e das súas crónicas e ensaios que están lonxe de lograr fidelidade algunha ao que ela escribiu e quixo facer perdurar.

A secuencia cronolóxica que segue este Congreso, 1851-1921-2021, e que nos involucra como legatarios pardobazanistas, debe articular, grazas ao concurso de especialistas de todas partes do mundo, unha indagación desprovista de prexuízos e derivada da análise e o debate desde enfoques fundados no coñecemento cada vez máis exhaustivo do universo literario e vital de Emilia Pardo Bazán.

Para o Congreso Internacional Emilia Pardo Bazán no seu Centenario. Literatura e vida nos séculos XIX, XX e XXI, na súa cidade natal, A Coruña, en setembro de 2021, formouse unha comisión de investigadores das tres Universidades galegas e da Real Academia Galega, agrupados nos Grupos de Investigación Pardo Bazán (USC), A Tribuna (RAG), DILEC (UDC) HISPANIA (UDC) e LITECOM (UDC), así como o Doutoramento Interuniversitario en Estudos Literarios (UVigo e UDC) e o Departamento de Letras da Universidade da Coruña .

O obxectivo deste congreso non é soamente asediar a vida e a inxente obra pardobazaniana desde perspectivas historicistas ou biografistas, filolóxicas ou críticas. Trátase de aproveitar este Centenario para achegar a figura de Pardo Bazán ao lector actual e ao momento presente, para comprobar que o seu legado humano e literario segue sendo actual, que a súa mensaxe vital non perdeu vixencia.

A Consellería de Cultura, Educación e Universidade e a Universidade da Coruña teñen un interese común e coincidente na realización do Congreso Internacional Emilia Pardo Bazán, no seu Centenario. Literatura e vida nos séculos XIX, XX e XXI.

Polo exposto, ambas as entidades acordan asinar un convenio de colaboración para o ano 2021, que se rexerá polas seguintes,





CLÁUSULAS

PRIMEIRA.- Obxecto e actuacións.

É obxecto deste convenio establecer as condicións polas que se rexerá a colaboración entre a Consellería de Cultura, Educación e a Universidade da Coruña para a realización do Congreso Internacional Emilia Pardo Bazán, no seu Centenario. Literatura e vida nos séculos XIX, XX e XXI.

Ou congreso realizarase entre os días 22 e 25 de setembro de 2021.

Actuacións:

- Conferencias e mesas redondas plenarias.
- Call for papers / chamada a comunicacións. A Universidade da Coruña convida a todos os especialistas e interesados na obra e a vida de Emilia Pardo Bazán, así como nos innumerables campos da sociedade e a cultura da que ela se ocupou, a enviar **COMUNICACIÓNS** para ser presentadas no Congreso Internacional Emilia Pardo Bazán no seu Centenario.

Dada a especificidade e exclusividade das actuacións a realizar non é posible promover a concorrencia, polas especiais características das actividades e da entidade coa que se convenia.

De acordo coa planificación estratéxica realizada pola Secretaría Xeral de Cultura, para o ano 2021, e dada a especificidade e exclusividade das actividades a realizar baseadas en criterios obxectivos, a sinatura deste convenio encádrase dentro dos previstos nese plan.

SEGUNDA.- Financiamento.

O custo total estimado das actuacións previstas no convenio ascende a un total de 21.000,00 €.

A Consellería de Cultura, Educación e Universidade contribuirá no desenvolvemento das actuacións previstas neste convenio coa achega total de 15.000 €, para o que existe crédito axeitado e suficiente na partida orzamentaria 10.40.432B.640.0, proxecto 2015 370.

A Universidade da Coruña achegará a cantidade restante de 6.000 € para a realización das actividades previstas no convenio.

No caso de que a xustificación dos gastos sexa inferior ao importe de 21.000,00 €, a achega da Consellería de Cultura, Educación e Universidade diminuírase proporcionalmente.





Ditas achegas financiarán exclusivamente o custo de realización das actuacións obxecto deste convenio, sen que ningunha das partes convenientes obteña lucro ningún.

TERCEIRA.- A Universidade da Coruña

A Universidade da Coruña será a entidade organizadora do Congreso Internacional Emila Pardo Bazán.

A Universidade da Coruña deberá presentar certificacións acreditativas do cumprimento das obrigas tributarias, coa Seguridade Social e de non ter pendente de pagamento débedas coa Administración pública da comunidade autónoma.

A sinatura deste convenio implica, de ser o caso, a autorización á Consellería de Cultura, Educación e Universidade para solicitar as certificacións acreditativas de que se atopa ao corrente das obrigas tributarias estatais e autonómica e da seguridade social, así como que non ten pendente de pagamento ningunha outra débeda, por ningún concepto coa Administración pública da Comunidade Autónoma de Galicia, de acordo co establecido no Regulamento (UE) 2016/679 de protección de datos, na Lei Orgánica 3/2018, de 5 de decembro, de protección de datos persoais e garantía dos dereitos dixitais, disposición adicional cuarta da Lei 40/1998, de 9 de decembro, do imposto sobre a renda das persoas físicas e outras normas tributarias, e demais disposicións de aplicación.

CUARTA.- A Xunta de Galicia.

A Xunta de Galicia colaborará nos custos derivados da realización do Congreso Internacional Emilia Pardo Bazán, no seu Centenario. Literatura e vida nos séculos XIX, XX e XXI. O importe máximo a asumir pola Consellería de Cultura, Educación e Universidade ascende a 15.000 €.

QUINTA.- Xustificación dos gastos e pagamento.

A documentación requirida na fase xustificativa presentarse electronicamente na Carpeta do cidadán da persoa solicitante/representante, <https://sede.xunta.es/carpeta-do-cidadan>.

Para percibir a correspondente achega, a Universidade da Coruña presentará electronicamente, coa data límite do 15 de decembro de 2021, a seguinte documentación:

- Unha memoria de actuación xustificativa do cumprimento das condicións obxecto deste convenio, con indicación das actividades realizadas e dos resultados obtidos.
- Unha memoria económica xustificativa do custo das actividades realizadas que conterá:
 - ✓ Unha relación clasificada dos gastos e investimentos da actividade, con identificación do acredor, do importe, data de emisión e data de pagamento.





- ✓ As facturas ou documentos de valor probatorio equivalente incorporados na relación a que se fai referencia no parágrafo anterior e a documentación acreditativa do pagamento.

Aos efectos desta xustificación, consideraranse os gastos realizados no ano 2021 a partir da data de sinatura do presente convenio e que respondan á natureza da actividade realizada.

A Universidade da Coruña responsabilizarase da veracidade dos documentos que presenten.

QUINTA.- Rexistro de convenios. Transparencia e bo goberno

As partes asinantes deberán cumprir coas obrigas derivadas da entrada en vigor da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificativos das persoas asinantes.

Así mesmo, a Universidade da Coruña acepta e consinte a remisión do convenio, logo da súa sinatura, ao Rexistro de Convenios da Xunta de Galicia.

SEXTA. Dereitos sobre a información e titularidade dos resultados. Difusión da colaboración das partes.

Os resultados froito deste convenio, tales como dípticos, catálogos, publicacións e demais material obtido, serán de titularidade e uso común da Consellería de Cultura, Educación e Universidade e do Universidade da Coruña. Os resultados quedarán para futuras edicións e ambas as dúas partes poderán utilizalos nun futuro indistintamente.

A Consellería resérvase o dereito de publicar os resultados, parciais ou finais, obtidos durante a execución do convenio que, en todo caso, terán carácter público.

En calquera caso a Universidade da Coruña poderá facer uso dos coñecementos adquiridos durante a realización do programa en actividades propias da súa función.

Calquera transformación dos resultados do programa de colaboración conxunta requirirá o consentimento expreso das partes asinantes do convenio.

Nas actuacións informativas e divulgativas e nas publicacións que se fagan relacionadas coas actividades deste convenio farase constar, nun lugar destacado, a colaboración das partes e utilizaranse, cando proceda, os anagramas de cada unha das entidades aprobados pola normativa de identidade corporativa.





Sexa cal for o medio de difusión, cada unha das partes comprométese a facer mención das outras partes e deste convenio.

O uso e a difusión sobre os resultados, publicacións e demais materiais terán carácter gratuito para as partes asinantes do convenio, logo do consentimento da outra parte.

SEXTA.- Vixencia

O presente convenio estenderá a súa vixencia dende a súa sinatura e ata o 31 de decembro de 2021.

SÉTIMA.- Comisión de seguimento

Créase unha comisión mixta de seguimento para aclarar as dúbidas derivadas da interpretación e execución deste convenio, formada polo secretario xeral de Cultura da Consellería de Cultura, Educación e Universidade ou a persoa en quen delegue, e polo reitor da Universidade da Coruña ou a persoa que designe en substitución.

OITAVA.- Modificación denuncia e rescisión do convenio

As partes poderán denunciar ou modificar o presente convenio en calquera momento por mutuo acordo.

O incumprimento de calquera das obrigas contraídas no presente convenio por unha das partes facultará á outra para rescindilo, quedando automaticamente anulados todos os dereitos correspondentes sobre o obxecto do programa de colaboración conxunta, pero non así as obrigas contraídas no mesmo.

NOVENA.- Responsabilidade das actuacións

O asinamento deste convenio non implica relación laboral, contractual ou de calquera outra índole entre os profesionais que vaian desenvolver as actividades previstas e a Xunta de Galicia, de tal xeito que a esta non se lle poderá esixir responsabilidade ningunha, nin directa, nin subsidiaria, polos actos ou feitos acaecidos no desenvolvemento do convenio.

DÉCIMA.- Protección de datos de carácter persoal e garantía dos dereitos dixitais

As partes asinantes comprométese a cumprir, en todo momento, as disposicións contidas na normativa básica estatal e autonómica que xustifica a lexitimidade do tratamento dos datos persoais e dereitos dixitais.





Na aplicación deste convenio respectaranse cantas esixencias establece o Regulamento UE 679/2016 xeral de protección de datos e a Lei orgánica 3/2018, do 5 de decembro (BOE 06/12/2018) de protección de datos persoais e garantía dos dereitos dixitais, adoptando cantas medidas resulten necesarias para cumprir as súas previsións e, en particular, para garantir a seguridade e integridade dos datos persoais e dos dereitos dixitais e, a súa protección fronte alteracións, perdas, tratamentos ou accesos non autorizados.

Serán de aplicación todos os dereitos e obrigas derivados da normativa aplicable en materia de protección de datos e garantía dos dereitos dixitais.

DÉCIMO PRIMEIRA.- Administración dixital

As partes asinantes deste convenio respectarán cantas esixencias establece a Lei 4/2019, do 17 de xullo, de administración dixital de Galicia (DOG 26 de xullo de 2019), que será aplicable ao sector público autonómico, integrado, de acordo co artigo 3 da Lei 16/2010, do 17 de decembro, de organización e funcionamento da Administración xeral do sector público autonómico de Galicia, pola Administración xeral e polas entidades instrumentais e, tamén, será aplicable á cidadanía que ten o deber de utilizar os servizos públicos dixitais que se poñan a súa disposición de xeito adecuado, co respecto das normas de uso, xerais ou específicas, que se establezan para cada un dos servizos e, en particular, os cidadáns e as cidadás deberán utilizar os sistemas de identificación e de sinatura electrónicas de que sexan lexítimos titulares, usar a información dispoñible conforme a política de privacidade publicada e repectar a normativa en materia de protección de datos de carácter persoal (artigos 2 a) e b) e 7 apartados 1 e 2 respectivamente da citada lei).

DÉCIMO SEGUNDA.- Normativa aplicable e xurisdición

Aínda que é un dos excluídos do ámbito de aplicación da Lei 9/2017, do 8 de novembro, de contratos do sector público (BOE 9-11-2017) segundo especifica o seu artigo 6, ao non previsto e de acordo co artigo 4 da citada lei aplicaráselle os principios recollidos nela, co fin de resolver as dúbidas e omisións que puidesen presentarse. Así mesmo, supletoriamente terase en conta o Decreto legislativo 1/1999, do 7 de outubro, pola que se aproba o texto refundido da Lei de réxime financeiro e orzamentario de Galicia e demais normativa vixente na materia.

Este convenio ten natureza administrativa. A xurisdición contencioso administrativa será competente para dirimir as cuestións que puidesen xurdir da aplicación deste convenio.

Será de aplicación a Lei 40/2015, do 1 de outubro, de réxime xurídico do sector público.

DÉCIMO TERCEIRA.- Notificación electrónica





Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notific@, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

Ao estaren as dúas partes conformes co pactado, asinan telematicamente este convenio.

Pola Consellería de Cultura, Educación e Universidade

Pola Universidade da Coruña

Román Rodríguez González

Julio Abalde Alonso

